



BIBLE STUDY

Nehemias 9

March 03-08

PAGTUKLAS
PAG-UNAWA
PAGTUGON

MAHALAGANG PRINSIPYO SA BUHAY

Nehemias 9



PAGTUKLAS



PAG-UNAWA



PAGTUGON

Nehemias 9

Magandang Balita Biblia



Ipinahayag ni Ezra ang Kasalanan ng Israel

Noong ika-24 na araw ng buwan ding iyon, nagtipon ang mga Israelita upang mag-ayuno. Nagsuot sila ng damit-panluksa at naglagay ng abo sa kanilang ulo upang ipahayag ang pagsisisi sa kanilang mga kasalanan. 2 Lumayo sila sa mga dayuhan. Tumayo sila upang ipahayag ang kanilang mga kasalanan at ng kanilang mga ninuno. 3 Nanatili silang nakatayo sa kanilang kinaroroonan sa loob ng tatlong oras samantalang binabasa sa kanila ang Kautusan ni Yahweh na kanilang Diyos. Pagkatapos, tatlong oras din silang nagpahayag ng kanilang mga kasalanan at sumamba kay Yahweh na kanilang Diyos.

Nehemias 9

Magandang Balita Biblia



4 Noo'y nasa isang entablado ang mga Levitang sina Jeshua, Bani, Kadmiel, Sebanias, Buni, Serebias, Bani at Kenani at nananalangin nang malakas kay Yahweh na kanilang Diyos. 5 Sina Jeshua, Kadmiel, Bani, Hasabneias, Serebias, Hodias, Sebanias at Petahias ay nanawagan sa mga tao upang sumamba. Sabi nila:

“Tumayo tayo at purihin ang Diyos nating si Yahweh.

Purihin siya ngayon at magpakailanman!

Purihin ang kanyang dakilang pangalan,
na higit na dakila sa lahat ng papuri!”

Nehemias 9

Magandang Balita Biblia

Pagpapahayag ng Kasalanan

6 At ang lahat ay sama-samang nanalangin ng ganito:

“Yahweh, ikaw lamang ang Panginoon;

ikaw ang lumikha ng kalangitan

at ginawa mo ang lupa, ang langit ng mga langit,

ang lahat ng bituin doon, at lahat ng narito;

ang dagat at ang lahat ng naroroon.

Binibigyang buhay mo sila,

at ika'y sinasamba ng buong kalangitan.



Nehemias 9

Magandang Balita Biblia



7 Ikaw, Yahweh, ang Diyos na pumili kay Abram.

Ikaw ang tumawag sa kanya mula sa bayan ng Ur, sa Caldea at pinangalanan mo siyang Abraham.

8 Nakita mo siyang tapat sa inyo

at gumawa ka ng kasunduan sa kanya.

Ipinangako mo sa kanya at sa kanyang magiging mga anak

na ibibigay sa kanila ang lupain ng mga Cananeo, ng mga Heteo, Amoreo, Perezeo, Jebuseo at Gergeseo.

Tinupad mo ang iyong pangako sa kanila sapagkat ikaw ay tunay na matapat.

Nehemias 9

Magandang Balita Biblia



9 “Nakita mo ang paghihirap ng aming mga ninuno sa Egipto.

Narinig mo ang pagtangis nila sa Dagat na Pula.[a]

10 Gumawa ka ng mga himala at mga bagay na kamanghamangha laban sa Faraon,

laban sa kanyang mga lingkod at sa mga mamamayan ng kanyang lupain,

sapagkat alam mong pinagmalupitan nila ang aming mga ninuno.

Ang pangalan mo'y tanyag magpahanggang ngayon.

Nehemias 9

Magandang Balita Biblia



11 Sa kanilang harapa'y hinati mo ang dagat,
at sa gitna nito'y dumaan sila sa tuyong lupa.

Ang mga humabol sa kanila'y nilunod mong lahat,
parang mga batong lumubog sa nagngangalit na dagat.

12 Pinatnubayan mo sila ng haliging ulap kung araw,
at haliging apoy kung gabi, upang matanglawan ang kanilang
paglalakbay.

Nehemias 9

Magandang Balita Biblia



13 Mula sa langit ay bumabâ ka sa Bundok Sinai at kinausap mo ang iyong bayan.


Binigyan mo sila ng mga tuntuning makatarungan, mga batas na maaasahan at mabubuting kautusan.

14 Itinuro mo sa kanilang ipangilin ang Araw ng Pamamahinga at ibinigay mo sa kanila ang iyong Kautusan sa pamamagitan ni Moises na iyong lingkod.

15 “Nang sila'y magutom, binigyan mo sila ng pagkaing mula sa langit at nang sila'y mauhaw, pinainom mo ng tubig mula sa bato. At sa kanila'y sinabi mo na sakupin ang lupaing sa kanila'y ipinangako mong ibigay.

Nehemias 9

Magandang Balita Biblia



16 Ngunit naging palalo ang aming mga ninuno,
nagmatigas sila at sinuway ang mga utos mo.

17 Hindi sila sumunod at nilimot ang mga himalang iyong ginawa
para sa kanila.

Naging matigas ang kanilang ulo at naglagay ng pinuno
na mangunguna sa kanila pabalik sa pagkaalipin sa Egipto.

Ngunit ikaw ay Diyos na mapagpatawad at mahabagin,
hindi madaling magalit at sagana sa wagas na pag-ibig,
kaya't sila'y hindi mo itinakwil.

Nehemias 9

Magandang Balita Biblia



18 Gumawa rin sila ng diyus-diyosang guya,
at sinabing iyon ang diyos na naglabas sa kanila mula sa Egipto.
Labis ka nilang nilapastangan!

19 Ngunit hindi mo pa rin sila pinabayaan sa ilang,
sapagkat walang kapantay ang iyong kahabagan.

Hindi mo inalis ang haliging ulap
na patnubay nila sa paglalakbay sa araw
at ang haliging apoy na tumatanglaw sa kanila pagsapit ng dilim.

Nehemias 9

Magandang Balita Biblia



20 Pinatnubayan mo sila ng iyong Espiritu, upang turuan sila ng dapat nilang gawin.

Patuloy mo silang pinakain ng manna, at binigyan ng tubig na pamatid uhaw.

21 Apatnapung taon mo silang kinalinga sa ilang, kaya't sa anuman ay hindi sila nagkulang.

Hindi nasira ang kanilang mga kasuotan, ni namaga man ang kanilang mga paa sa paglalakad.

Nehemias 9

Magandang Balita Biblia



22 “Pinasakop mo sa kanila ang mga kaharian at bayan,
ang lupaing sakop ni Haring Sihon ng Hesbon
at ang lupain ni Haring Og ng Bashan.

23 Pinarami mo ang kanilang mga anak tulad ng mga bituin sa
langit.

Dinala mo sila sa lupain
na ipinangakong sasakupin ng kanilang mga ninuno.

Nehemias 9

Magandang Balita Biblia

24 Pinasok nga nila at sinakop ang lupain ng Canaan,
sa harap nila'y tinalo ang mga Cananeong naninirahan doon.
Ibinigay ninyo sa kanila ang kanilang mga hari at ang lahat ng
mamamayan sa lupain

upang sa kanila'y gawin ang anumang naisin.

25 Pinasok nila at sinakop ang mga may pader na lunsod.

Nakuha nila ang matataba nilang lupain, at sinamsam ang kanilang
mga ari-arian:

mga bahay na puno ng kayamanan,

mga balon, mga ubasan, taniman ng olibo at mga bungangkahoy.

Sagana sila sa pagkain at lumusog ang kanilang katawan,
at tuwang-tuwa sila sa iyong dakilang kabutihan.



Nehemias 9

Magandang Balita Biblia

26 “Ngunit kinalaban ka pa rin nila,
at tinalikuran nila ang iyong Kautusan.

Pinatay nila ang iyong mga propeta
na isinugo mo upang sila'y panumbalikin sa iyo.

Patuloy ka nilang hinahamak.


27 Dahil sa ginawa nila, pinabayaan mong sakupin sila ng kanilang
mga kaaway,

ipinaalipin mo sila at pinahirapan.

Ngunit nang sila'y tumawag sa iyo,
pinakinggan mo pa rin sila mula sa langit.

Sa habag mo sa kanila,

binigyan mo sila ng mga pinunong sa kanila'y magliligtas.



Nehemias 9

Magandang Balita Biblia

28 Ngunit nang ang buhay nila'y naging matiwasay,
mulí silang nagkasala laban sa iyo,

kaya't pinababayaan mo silang muling matalo ng kaaway.

Ngunit kapag sila'y muling nagsisi at humingi ng tulong,
pinapakinggan mo sila mula sa langit

at paulit-ulit mo silang inililigtas sapagkat ikaw ay mahabagin.

29 Binabalaan mo silang manumbalik sa iyong Kautusan,
ngunit sa kanilang kapalalua'y lalo nilang nilabag ito.

Kahit na ang Kautusan mo ay nagbibigay-buhay,
sa katigasan ng kanilang ulo'y sinuway nila iyon.



Nehemias 9

Magandang Balita Biblia

30 Maraming taon na pinagtiisan mo sila,
at binalaan ng iyong Espiritu[b] sa pamamagitan ng mga propeta,
ngunit hindi pa rin sila nakinig.

Kaya't ipinasakop mo na naman sila sa mga dayuhan.

31 Ngunit dahil sa iyong labis na kahabagan,
hindi mo rin sila ganap na nilipol at itinakwil.
Ikaw ay mapagpatawad at mahabaging Diyos!



Nehemias 9

Magandang Balita Biblia

32 “O aming Diyos, napakadakila mong Diyos,
kakila-kilabot ang iyong kapangyarihan.

Tumutupad ka sa iyong kasunduan at mga pangako.

Mula pa nang kami'y sakupin ng mga hari ng Asiria,
hanggang ngayo'y labis ang aming paghihirap.

Naghirap ang aming mga hari at pinuno,
mga pari, mga propeta, at ang mga ninuno.

Ang iyong buong bayan ay dumanas ng kahirapan,
kaya't alalahanin mo ang aming pagdurusa.

33 Makatuwiran ka sa iyong pagpaparusa sa amin;
naging tapat ka sa kabila ng aming pagkakasala.



Nehemias 9

Magandang Balita Biblia

34 Ang aming mga ninuno, hari, pinuno at pari ay hindi sumunod sa iyong Kautusan.

Sinuway nila ang iyong mga utos at babala.

35 Sa gitna ng kasaganaang kanilang tinatamasa, sa ilalim ng mabuting pamamahala ng kanilang mga hari,

sa kabila ng malalawak at matatabang lupaing kanilang minana,

hindi pa rin sila naglingkod sa iyo at nagsisi sa kanilang mga kasalanan.



Nehemias 9

Magandang Balita Biblia



36 Ngayon, sa lupaing ito na iyong ipinamana,
sa lupaing ito na ang pagkain ay sagana, kami'y busabos at
alipin.

37 Ang dahilan ay ang aming pagkakasala,
kaya ang nagpapasasa sa ani ng bukid ay ang mga haring sa
ami'y lumupig.

Nasusunod nila anumang gustuhin, pati mga kawan nami'y
inaangkin.


O sukduhan na itong hirap namin!”

Nehemias 9

Magandang Balita Biblia

Pangakong Susundin ang Kautusan


38 Dahil dito, kaming sambayanang Israel ay gumawa ng isang kasulatan ng sinumpaang kasunduan. Ito'y lubos na sinang-ayunan at nilagdaan ng aming mga pinuno, mga Levita at mga pari.



MAHALAGANG PRINSIPYO SA BUHAY

Nehemias 9

"Hahayaan ko ang Salita ng Diyos na baguhin ang aking pamilya at ang aking simbahan, simula sa akin, sa pamamagitan ng pagtatapat ng aking mga kasalanan, kusang-loob na pagbabago sa aking mga maling ginagawa, at pagpapatibay sa aking pangako sa Kanya."

A campfire with bright yellow and orange flames is burning in the foreground. The background shows a dark, misty forest with rolling mountains under a twilight sky. A large, dark, round object, possibly a metal pot or a large stone, is visible on the ground to the right of the fire.

Ano ang ginagawa ng mga Israelita
sa kabanatang ito?



PAGTUKLAS

Nehemias 9

1

Paano nanalangin at nagpahayag
ng kasalanan ang mga tao sa Israel
bilang isang bansa? Pansinin ang
kanilang paulit-ulit na dilema at ugali
bilang isang bansa.



PAGTUKLAS

Nehemias 9

2



Bakit sumusunod o dumadaloy ang pagtatapat at pagsisisi sa pinalawig na pagbabasa ng Salita ng Diyos? Bakit ito mahalaga?

PAG-UNAWA
Nehemias 9

1

Sa iyong palagay, bakit patuloy na pinapatawad
at inililigtas ng Diyos ang Kanyang mga tao sa
kabila ng katigasan ng ulo at mapaghimagsik?
Karapat-dapat ba sila ng kapatawaran dahil sila'y
hinirang ng Diyos?

Bakit mahalaga para sa Israel na magsisi mula sa mga kasalanan ng nakaraan - mga kasalanan ng kanilang mga hari, prinsipe, pari, propeta, ninuno, at lahat ng tao?

Ilang beses ka na ba nagkasala o nagrerebelde sa Diyos ngunit naranasan mo pagpapatawad, awa at biyaya Niya? Paano ito nakakatulong upang (1) makilala mo ang Diyos ng lubusan? (2) ihayag ang tunay mong katauhan?



Basahin ang kabanatang ito tulad ng pagtingin sa salamin na hayagang pinapakita ang likas na laman ng ating puso. Tulad ng Israel, may posibilidad tayong sumuway sa Diyos kapag nahihirapan at iniisip na mas mabuti ang ating kalagayan bago natin Siya makilala. Sa kabila ng paulit-ulit at saganang habag ng Diyos sa atin, pinipili nating mahalín at sundin ang mundo kaysa makuntento sa pagkakilala at pagiging malapit sa Kanya. Lumapit sa Diyos at ipagtapat sa Kanya ang iyong kasalanan. Humingi ng kapatawaran, paglilinis at pagpapalaya sa Diyos.



Pagnilayan, aminin, at humingi ng kapatawaran sa anumang mga nakaraang kasalanan na nagawa ng iyong mga ninuno. Gumugol ng oras upang ilarawan ang mga ito at tulad ng ginawa ng Israel, gawin itong specific at alalahanin kung paano nanatiling maawain, tapat, at makatarungan ang Diyos sa iyo at sa iyong pamilya.

3

Nehemias 9

PAGTUGON



MAHALAGANG PRINSIPYO SA BUHAY

"Hahayaan ko ang Salita ng Diyos na baguhin ang aking pamilya at ang aking simbahan, simula sa akin, sa pamamagitan ng pagtatapat ng aking mga kasalanan, kusang-loob na pagbabago sa aking mga maling ginagawa, at pagpapatibay sa aking pangako sa Kanya."

TAKE HOME PRINCIPLE

Nehemias 9



PAGTUKLAS



PAG-UNAWA



PAGTUGON

Small Group Sessions
CLOSING PRAYER





BIBLE STUDY

Nehemias 9

See You Next Week

PAGTUKLAS
PAG-UNAWA
PAGTUGON



KBCF

#4 11th Jamboree Street, Sacred Heart, Quezon City, Philippines

Worship Service Schedule: 9am

Livestream: Facebook and YouTube



kbcf.org.ph



[KBCFofficial](#)



[KBCFamily](#)



kbcf.office@gmail.com



0917-886-6650



8927-7420 | 8928-6584